



B na n wa balla fitnã-rãmbã nebã sũy, wala b sãn balled pĩir n foogd-a moog-moogã

Yii a Huzayfa nengẽ (Wënd yard be a yĩnga) a yeelame: tõnd rag n be a ‘Umar nengẽ, (Wënd yard be a yĩnga), t'a yeele: ãna n wum Wënd Tẽn-tuomã (Wënd puusg la A tilgr be a yĩnga) nengẽ t'a tēegd fitnã-rãmbã yelle? Tı neb yeele: tõnd wum-a lame, t'a ‘Umar yeele: tõe tı yãmb sãn rat n yeel tı y wumame wã, yaa b sãn na n zarb ned a zak rãmbẽ la a yakẽ wã wε? La b yeel tı: n-yeel, la a yeel yã, ad yel-kãngã ad Puusgã la no-loeerã la doaag maanego yaafda rẽnda, la yaa ãna n wum Nabiyaamã (Wënd puusg la A tilgr be a yĩnga) t'a togsd zarb-n-gesg ning sãn sigd n gondgdẽ wala mogr sãn gondgd to-to wã? La a Huzayfa yeel yã: tı nebã sĩndi, tı mam yeele: maam. La a ‘Umar yeel yã: ad f yaa f baaba halaale. T'a Huzayfa yeele: m wuma Wënd Tẽn-tuomã (Wënd puusg la A tilgr be a yĩnga) t'a yetẽ: «B na n wa balla fitnã-rãmbã nebã sũy, wala b sãn balled pĩir n foogd-a moog-moogã, rënd sũur ning sãn yũ b na n tẽka a pugẽ sabelle, la sũur ning sãn kusa b na n tẽka a pugẽ peelle, halı tı sũyã wa lebg sũy a yiibu, sũur sãn yaa peelle wala kug-peelle, zarb-n-gesg la fitnã buud ka tõe n nams-a ye, tı saasã la Tẽngã sã n ket n beẽ, la sũur a to wã yaa sabelle, n yaa wala koor sãn fũgi n pĩ, a ka leb n mi sõma, a ka mi wẽnga n na n kus ye, sã n ka bũmb ning sãn ta yẽ yam bala». A Huzayfa yeelame: la mam togs-a lame tı ad foom a ‘Umar la fitnã-kãngã kũleng n page, la ket bilfu kũlengã na n pakame. La d zu-soab a ‘Umar yeel yã: Kũlengã yaa sãn na n kaooge? Ad sã n dag yaa sãn pakẽ, tõe tı lebg n page. Tı mam yeele: Ayoo, ad yaa sãn na n kao. La mam togs-a lame tı kũleng-kãngã, yaa ned la b na n ku, maa a ki, yaa hadiis tudgr sãn ka be a pugẽ. A Abuu Haalid yeelame: Mam yeela a Sa‘ade: Malik baaba: sabell lim-limã yaa bõe? La a yeel yã: yaa peelmã keelem sãn be sablem pugẽ. Tı mam yeel-a: la koorã sãn fũgã yaa bõe? La a yeel tı yaa sãn lebg n pĩ.

[Naşun Şahuhun (Gom-sikdem sãn manege)] [A Muslim n togs-a]

Muumin-rãmbã naaba, a ‘Umar [bn Al-haţţaab, (Wënd yard be b yiibã yĩnga) a ra bee a zĩndgã zĩigẽ, tı sahaabsã (Wënd yard be b yĩnga) be ne-a, t'a yeel-ba: Yaa ãna n wum Wënd Tẽn-tuomã (Wënd puusg la A tilgr be a yĩnga) t'a gomd fitnã-rãmbã yelle? Tı sãnda yeele: tõnd wum-a lame t'a togsd fitnã wã, la a ‘Umar yeele (Wënd yard be a yĩnga): tõeeme tı yãmb sãn rat n yeel fitnã ninsã yaa raoa b sãn zarbd-a a mengã la a koambẽ, la a pagbẽ, a sãn nong-b keelem, la a sãn tõe n maan beed n ka kõt-ba, la a sãn tõe n maan soagl n bas-ba, tı yel wusg põsg-ba, maa a sãn na n maan yam yaal-yaale, n ka yik ne yel sãn sõmb ne-ba, sãn yaa b hake-rãmba la zuglgo, la karengo, la woto b sãn na n zarb ned n ges a yakẽ la sãn wõnd rẽ, tõe tı yaa rẽnda la yãmb sãn rat n goma wε? La b yeele: yaa woto. La a yeel yã: yẽnda yaa zarb-n-gesg sãn set tı ned sã n geel a meng n na n gese, la zũnuub-rãmb n be beenẽ tı b tõe n yaaf ne tuum sõma, wala Puusg la no-loeer la sara-rãmb maanego. La ãn n

wum Nabiyaamã (Wënd puusg la A tulgr be a yïnga) t'a gomd fitnã ning sën na n gũbg fãa gillã, a bedremã keelem la a sēegrã waoogr yïngã, n rãmbd wala mogr koom sën rãmbd to-to ningã? Tl nebã sïndi, t'a Huzayfa Ibn Al-Yamaan (Wënd yard be b yiibã yïnga) yeele: mam wum-a lame. T'a 'Umar sūurã yl noogo, (Wënd yard be a yïnga) t'a yeel-a: Ad Wënd maan f baaba neer ne a sën rog fo buudã. T'a Huzayfa yeele: Nabiyaamã yeelame (Wënd puusg la A tulgr be a yïnga): Fitnã-rãmbã na n wa vënegame n tug n tablg ninsaal fãa sūurẽ, wala kãnkãr pïir sën tabend ned ning sën gãe a zugã lugẽ, la a basd vūun sūurẽ wã a sën tablg-a wã keelem, la masub-kãngã a na n ylma noor wusgo, rënd sūur ninga a sën kẽ a pugẽ n yl a nonglem, n gëdg-a wala bõn-yoodi gëdgr la a koom, b tẽkda a suurẽ wã sabelle, la sūur ning sën kus-a, (tõdg-a) b tẽkda beenẽ peelle, halı tı sūya wa lebg kõbg a yiibu: sūur sën yaa peelle, a sën loe lumaoongã la a sën tulg n yi bãasã keelem, tı fitnã-rãmbã ka tablg-a, n ka tall vūun a pugẽ, t'a lebg wala kug-saalg sën yaa pæelga, bũmb ka tõe n tablg-a, rënd fitna ka tõe n nams-a, halı t'a wa yek Wënde. La sūur a yembrã, a kõbga toemame n lebg sabelle, fitnã-rãmbã keelem, tı yaa wala koor sën kille, maa sën fũgni, koom ka tõe n kẽ a pugẽ, yaa woto bal la sũ-kãngã, sōma buud ka yagend-a, yam sōng ka yagend-a, a ka mi sōma, a ka kUSD wënga, sã n ka bũmb ning yẽ menga sën nong la a tar yamleoogã. La a Huzayfa yeela a 'Umar: ad fitnã-kãensã baa a yembr ka na n puk fo vumã pugẽ ye, la foom ne b sũka, kuleng n page, la keta bilf tı b kao-a. T'a 'Umar yeele: b na n kaoo kulengã kaoob sūd-sūdã? Ad b sã n rag n pak-a, tõe t'a lebg n page. La a Huzayfa yeel yã: Ayoo, a na n kaoogame, la ad kuleng-kãngã yaa ned tı b ku-a maa a na n ki a toore. La m sën togsã, yaa sūd sën yaa hakuka, a ka yam rãmb n nidg pãng n yeel ye, ad yaa Nabiyaamã hadiisi, (Wënd puusg la A tulgr be a yïnga.)

<https://sunnah.global/hadeeth/mos/show/66382>

النجاة الخيرية
ALNAJAT CHARITY

